



Broj: 02-11-1803/22-AP-11  
Datum: 05.08.2022. godine

Na osnovu člana 70. Zakona o javnim nabavkama („Službeni glasnik BiH“, broj: 39/14), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovići“, broj: 1/2022) i člana 39. Statuta Grada Zavidovići («Službeni glasnik Grada Zavidovići», broj: 5 /2008, 5a / 2008 i 11/2019), u predmetu odabira najpovoljnije ponude dodjele ugovora o javnoj nabavci radova „Zimsko održavanje lokalnih cesta na području grada Zavidovići za sezonu 2022/2023. godina“, Gradonačelnik donosi

### ODLUKU

Ponuda ponuđača „MGV Gradnja“ d.o.o. Zavidovići za javnu nabavku radova „Zimsko održavanje lokalnih cesta na području grada Zavidovići za sezonu 2022/2023. godina“, LOT 2- područje sliva rijeke Krivaje, sa ukupnom cijenom od 66.754,94 KM (slovima: šezdesetšesthiljadasedamstotinapedesetčetiri i 94/100 KM) sa uračunatim PDV- om, se prihvata kao **NAJPOVOLJNIJA PONUDA**.

### O b r a z l o ž e n j e

Odlukom Gradonačelnika, broj 02-11-1803/22-AP-2 od 17.06.2022. godine pokrenut je postupak dodjele ugovora za javnu nabavku radova „Zimsko održavanje lokalnih cesta na području grada Zavidovići za sezonu 2022/2023. godina“, LOT 2- područje sliva rijeke Krivaje, putem otvorenog postupka.

Na adresu Grada Zavidovići do krajnjeg roka za dostavu ponuda 07.07.2022. godine do 12,00 sati, za LOT 2, dostavljeno je 6 (šest) ponuda, i to slijedećih ponuđača:

1. „Ikan“ d.o.o. Zavidovići
2. „BN Transport“ d.o.o. Zavidovići
3. „Geo put“ d.o.o. Maglaj
4. „Porobić“ d.o.o. Zavidovići
5. GP „Heldovac“ d.o.o. Žepče
6. „MGV Gradnja“ d.o.o. Zavidovići

Komisija za javne nabavke za provođenje postupaka javnih nabavki roba, usluga i radova Grada Zavidovići je izvršila otvaranje ponuda 07.07.2022. godine u 12 sati i 30 minuta u Maloj sali, o čemu je sačinila Zapisnik sa otvaranja ponuda broj: 02-11-1803/22-AP-7 - LOT 2 od 07.07.2022. godine i Zapisnik o ocijeni ponuda, broj: 02-11-1803/22-AP-13 od 27.07.2022. godine.

Nakon utvrđivanja sadržaja svih podnesenih ponuda, Komisija je utvrdila da su ponude ponuđača: „MGV Gradnja“ d.o.o. Zavidovići, „Porobić“ d.o.o. Zavidovići, GP „Heldovac“ d.o.o. Žepče i „Geo put“ d.o.o. Maglaj formalno ispravne i tehnički zadovoljavajuće, jer sadrže sve priloge tražene kao u sadržaju navedenom u tenderskoj dokumentaciji predmetne javne nabavke za LOT 2.

Ponuda ponuđača „Ikan“ d.o.o. Zavidovići je od strane Komisije za javne nabavke ocijenjena neprihvatljivom iz razloga što je tenderskom dokumentacijom u tački 5.4.1. određeno da ponuđači trebaju ispunjavati uslove za kvalifikaciju i to: da imaju uspješno iskustvo u realizaciji najmanje 2 (dva) ugovora u posljednjih 5 (pet) godina ili od datuma registracije, odnosno početka poslovanja, koji su u vezi sa predmetnom nabavkom, odnosno čiji su karakter i kompleksnost adekvatni predmetnoj javnoj nabavci (radovi na održavanju

cesta), čija ukupna zbirna vrijednost iznosi najmanje 45.000,00 KM (bez uključenog PDV-a) za LOT 1, najmanje 57.000,00 KM (bez uključenog PDV-a za LOT 2 i najmanje 50.000,00 KM (bez uključenog PDV-a) za LOT 3, a dostavljenim spiskom uz LOT 1 ponuđač ne dokazuje ispunjenost uslova za kvalifikaciju za LOT 2 iz gore navedene tačke 5.4.1. TD.

Dodatni spisak izvršenih ugovora koji je dostavljen uz ponudu za LOT 2 nije dostavljen u skladu sa članom 12., stav (1), tačka b) Upustva za pripremu modela tenderske dokumentacije i ponuda („Službeni glasnik BiH“, broj 90/14 i 20/15), kojim se određuje način dostavljanja ponuda za više lotova.

Naime, članom gore navedenog Upustva je određeno: „kada je predmet nabavke podijeljen na lotove, ponuđač koji dostavlja ponude za više lotova, može dokumente kojima dokazuje da ne postoje razlozi za isključenje i dokaze o sposobnosti koji su zajednički za više lotova, dostaviti na jedan od slijedećih načina: a) u posebnoj koverti na kojoj će jasno naznačiti da dostavlja dokaze za kvalifikaciju, ili b) uz ponudu koja je prva po redosljedu lotova na koji se prijavljuje, ili c) posebno za svaki lot.

Ponuda ponuđača „BN Transport“ d.o.o. Zavidovići od strane Komisije za javne nabavke ocijenjena je neprihvatljivom iz razloga što ponuđač nije dostavio obrazac za ponudu u skladu sa Aneksom 2 tenderske dokumentacije.

Imajući u vidu sve navedeno ponude ponuđača „Ikan“ d.o.o. Zavidovići i „BN Transport“ d.o.o. Zavidovići se smatraju neprihvatljivim.

Obzirom da su 4 (četiri) ponude za dodjelu ugovora za javnu nabavku radova „Zimsko održavanje lokalnih cesta na području grada Zavidovići za sezonu 2022/2023. godina“, LOT 1- područje sliva rijeke Krivaje, formalno ispravne i tehnički zadovoljavajuće Komisija za javne nabavke predložila je zakazivanje e-aukcije.

Nakon postupka e-aukcije, koji je proveden dana, 01.08.2022. godine, a na osnovu Izvještaja o toku i završetku e-aukcije broj 1374-1-3-116/22, Komisija za javne nabavke za provođenje postupaka javnih nabavki roba, usluga i radova Grada Zavidovići dostavila je Zapisnik o ocjeni ponuda, broj: 02-11-1803/22-AP-13 od 03.08.2022. godine za LOT 2 sa preporukom o izboru najpovoljnijeg ponuđača „MGV Gradnja“ d.o.o. Zavidovići, u postupku javne nabavke radova „Zimsko održavanje lokalnih cesta na području grada Zavidovići za sezonu 2022/2023. godina“, LOT 2- područje sliva rijeke Krivaje.

Ponuda ponuđača „MGV Gradnja“ d.o.o. Zavidovići, sa ukupno ponuđenom cijenom u iznosu 66.754,94 KM (slovima: šezdesetšestiljadasedamstotinapedesetčetiri i 94/100 KM) sa uračunatim PDV-om, je ponuda sa najnižom cijenom, te se kao takva prihvata kao najpovoljnija, prema kriteriju za dodjelu ugovora utvrđen kao „najniža cijena“.

Cijeneći pravilnost provedenog postupka dodjele ugovora o javnoj nabavci radova „Zimsko održavanje lokalnih cesta na području grada Zavidovići za sezonu 2022/2023. godina“, LOT 2- područje sliva rijeke Krivaje, te datu preporuku od strane Komisije za javne nabavke za provođenje postupaka javnih nabavki roba, usluga i radova Grada Zavidovići, odlučeno je kao u dispozitivu ove Odluke.

#### POUKA O PRAVNOM LIJEKU:


Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:

1. Učesnici u postupku
2. U spis

GRADONAČELNIK

doc. dr. Hašim Mujanović

Kontrolisao:   
(Midhat Bajramović)